

## COMMUNICAZIUN A LAS MEDIAS

Grono, ils 7 da schaner 2025

### Per l'emprima giada electricitad da Repower era per vischnancas dal Mesauc e da la Val Calanca

Buseno, Cama e la Media Mesolcina Energia retiran a partir dal 2027 lur electricitad da la Repower Moesano SA. La Repower Moesano SA è ina societad affiliada da Repower cun sedia a Grono. Las vischnancas han medemamain la pussaivladad da sa participar a la Repower Moesano SA.

Repower furnescha oz electricitad en las regiuns da provediment grischunas Surselva, Engiadina, Partenz, Valposchiavo e parts da la Val dal Rain. A partir dal 2027 vegn il raiun extendì cun ulteriuras vischnancas dal Mesauc e da la Val Calanca. Las vischnancas da Buseno e Cama e la societad d'electricitad Media Mesolcina Energia, lezza proveda las vischnancas da Grono, Lostalpo e Soazza cun energia, han decis da retrair en avegnir lur electricitad da la Repower Moesano SA cun sedia a Grono.

#### Pretschs d'electricitad stabils a lunga vista

La Repower Moesano SA è ina societad affiliada da Repower. Ella furnescha electricitad a las vischnancas da la regiun Moesa per las medemas cundiziuns sco a tut las autras zonas da provediment. Damai che Repower producescha l'electricitad ch'ella furnescha en sias atgnas ovras, èn ils custs da producziun la basa per la tariffa d'energia. Quai garantisce a las clientas ed als clients in pretsch d'electricitad che resta stabil a lunga vista, perquai ch'el n'è betg expost als martgads volatils.

Las tariffas d'electricitad en la Moesa tutgan tar las pli autas en il Grischun. Ils contracts da la furniziun d'energia ch'èn la basa da quests pretschs pon vegnir substituìs pir a la fin dal 2027. Per ch'i saja pussaivel da sbassar ils auts custs d'electricitad gia pli baud sustegna Repower la retratga d'electricitad cun 5 rp./kWh en las vischnancas che vegnan provididas da la Repower Moesano SA a partir dal 2027. Quai è ina mesira cun effect immediat per la populaziun da questas vischnancas.

Repower vul s'engaschar a lunga vista sco interpresa grischuna en la regiun Moesa e porscha a las vischnancas ina soluziun co ch'ellas pon sminuir a curta vista lur pretschs d'energia e garantir a lunga vista in provediment cun energia stabil e favuraivel. Las finamiras ch'il Chantun ha mess per Repower èn francadas en il conclus da la Regenza (doc. 21-12-2021 CR nr. 1095/2021): «La Regenza spetga en pli che la Repower SA s'engaschia en il rom da la realisaziun da la strategia d'energia idraulica dal chantun Grischun 2022-2050 sco partenaria dal Chantun e da las vischnancas grischunas.»

Repower ha en mira en la regiun Moesa in partenadi stabil cun las vischnancas. Igl è previs da pudair stgaffir novas plazzas da lavur a la sedia da la Repower Moesano SA a Grono.

## Contact

Stefan Bisculm

manader post da medias

t +41 81 423 78 73

m +41 79 372 77 76

[stefan.bisculm@repower.com](mailto:stefan.bisculm@repower.com)

---

## Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milano. Repower è activa lung l'entira chadaina da valurisaziun da l'electricidad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.